

PETER. PUNCT.



INA BUNA VITA PER TUTS

PLED DA CUSSEGLIER GUVERNATIV PETER PEYER

Congress da nominaziun da la PS Grischun dals 26 d'avrigl 2025

Valaivel è il pled plidà.

Liebe Genossinnen und Genossen, cari compagni, charas cumpognas
Stimads giasts

INA BUNA VITA PER TUTS! EIN GUTES LEBEN FÜR ALLE! **UNA BUONA VITA PER TUTTI!**

Cun betg main che questa pretensiun avain nus discutà oz davart il program da partida da la PS Grischun. E quai duai era esser il dretg per nosa participaziun a la regenza. Ina buna vita per tuttas e tuts quels che vivan e lavuran qua en il Grischun.

Sche nus dain in'egliada en il mund ed en la scena naziunala, vesain nus spert che questa pretensiun è pretensiusa en la situaziun actuala. Viviamo en tempi mossi – nus vivain en temps animads ed instabils. En l'entir mund s'etableschan er en democrazias consolidadas forzas che na stattan betg per il bainstar public, mabain sulet per l'agen ego, l'atgna pussanza, l'agen profit. Egomans èn ils pli temeraris piromans. Actualmain dattan els gist puspè fieu al mund.

E nus, qua en la Svizra anc adina contemplativa?

Nella crisi attuale la svizzera politica sta ancora cercando se stessa.

- Ella sa mussa tar la relaziun cun l'Europa esitanta e bufatga. En quest connex dovri ussa urgentamain in cler GEA a l'Europa ed a las bilaterals III. Tuttina paran partenaris socials ed er il Cussegl federal d'esser conscients da lur responsabladad e da sa reunir.
- Nus faschain ina debatta da spargn senza senn ed in frain absurd dals custs frain nus là, nua ch'i dovra uss en mintga cas investziuns en la segirezza sociala, en l'integraziun, en la protecziun dal clima, en la vieuta energetica sco er en la furnaziun ed en la perscrutaziun.

- Nus sfarlattain blera energia en ina debatta da l'armada che n'è insumma betg intenziunada ed uschia senza senn. La Svizra è circumdada d'amis. L'analisa dals privels da noss'armada è fundamentala per noss pajais e per quella dovri probablmain dapli meds finansials. Ma avant che nus vegnin rearmads ussa senza plan, duessan nus sclerir precisamain en tge colliaziun europeica che questa armada è utila e per tge smanatschas che nus stuain ans arver il pli fitg.
- Gist uschè stupid è l'orientaziun da nossa debatta da migraziun. Ils stgars 7 pertschient da l'immigraziun or dal sector d'asil u dal status S duai esser dal diavel, entant che mintga nova domiciliaziun d'ina interpresa da la Germania vegn celebrada, senza ch'i fiss cler, danunder che las personas spezializadas ed il spazi d'abitar ch'i dovra per ellas derivan. Cura ch'i sa tracta da domiciliar interpresas na vegni betg sclerì, co ch'i stat cun las capacitads dal traffic public, da la canorta, da la scola u da las vias. E sche las forzas da lavur vegnan lura, duain quellas esser la culpa dals problems.

Per betg chapir quai fallà: quai na è nagin statement cunter l'immigraziun! Ma sche mintga 5avla persona en il Grischun n'ha betg il pass svizzer, ma mo mintga 200avla en ina procedura d'asil, vali finalmain la paina da metter en questa debatta animada dapli quietezza e decleraziuns differenziadas.

Gea, valurs elavuradas diramain vegnan messas en dumonda. Obbiettivi raggiunti e valori per i quali abbiamo lottato duramente vengono messi in questione.

Equalitad, inclusiun, protecziun da l'ambient, sortida da l'energia atomara, biodiversitad, traffic public
 Extensiun, integraziun, imposiziun da taglia tenor la capacitad economica, ...

Curt: nus stain propi davant grondas sfidas. Abbiamo delle sfide grosse.

E nus, la democrazia sociala? La socialdemocrazia duess esser la partida da speranza en l'actuala situaziun globala. Quai signifitga surtut era d'esser da la partida per dapli in cun l'auter e cunter ils sfendaglinas. E gist: la partida che pretenda ina buna vita per tuttas e tuts e che s'engascha per quai.

Noss giavischs, nossas pretensiuns e posiziuns pertutgan vairamain la gronda maioritad da la populaziun:

- L'abitar
- Il lavurar
- La sanadad
- La furmaziun e la tgira d'uffants
- L'ambient
- Relaziuns ordinadas cun noss vischins
- E nus essan era la partida che investescha gist en quests champs durant temps da crisa per che la miseria materiala da blers umans na daventia betg anc pli ferma gist en la crisa.

La regenza grischuna sa cumpona actualmain da 3 dal center, 1 liberal ed 1 socialdemocrat.

Quest sistem cun participaziun da tut las fermas forzas porta blera stabilitad. El na è betg adina sperta, perquai ch'il cumpromiss sto vegnì erui. E quest sistem funcziuna mo, sch'ins viva il medem mument era la collegialitad. Quai na vul betg mo dir che la regenza discorra cun 1 vusch vers anora, mabain era che tuts vegnan udids en la sesida da la regenza e nagina persona u minoritad vegni marginalisada.

Ina buna cultura da discussiun cun respect e fidadadad èn impurtantas per noss sistem da concordanza. Cura che tuts stattan adina sin maisa, vegn sfratgada memia blera vaschella. I dovra en la politica sin tut ils nivels uss puspè vuschs bainvulentas, quietantas ma tant pli energicas.

Gist en temps, nua ch'i vegn celebrà sin la tribuna politica globala auto-inscenaziun e mancanza da respect en senza retegnientschas en il public, dovri exempels che mussan che la discussiun cun differentas posiziuns va era auter. Cun respect.

Jau less metter anc ina giada il fil vers l'immigraziun. Cuntrari ad auters chantuns ha il Grischun cunfins naziunals: Cun l'Italia, cun l'Austria e cun il Liechtenstein. Sur quests cunfins naziunals arrivan mintga di forzas da lavur tar nus. Actualmain èn quai var 10'000 cunfinarias e cunfinaris.

Tar nus en il Grischun dal Sid ed en l'Engiadina na datti nagin provediment da la sanadad, nagina gastronomia e nagina hotellaria, nagina economia da construcziun senza questas persunas. Mo gia quai mussa quant impurtantas che las relaziuns ordinadas cun l'Europa èn per nus e quant impurtanta che l'immigraziun è per nus.

Co faschain nus quai en noss chantun e sco socialdemocratas e socialdemocrats cun ina politica raschunaivla, positiva e progressiva per ina buna vita per tuts? Ina basa è segira: nus avain entant ina lunga experientscha, cura ch'i sa tracta da furmar ina posiziun da las maioritads. Nus avain darar regalà insatge a nus. Mintga sez en il Cussegl grond e nossa participaziun a la regenza avain nus cuntanschi diramain. Nus essan dirs, stinads e perseverants. E nus savain era ch'i dovra in lung flad per cumbatter e mantegnair il progress.

En il Grischun è pussaivla ina reelecziun dubla per ina cussegliera u cusseglier guvernativ dal Grischun, quintà uschia è mia emprima mesadad dal temp gist scadida.

Suenter mia emprima elecziun il zercladur 2018 hai jau tranter auter empermess da star en per mias valurs e mias ideas e da cumbatter per quellas a moda constructiva e stinada entaifer la regenza. Jau hai era ditg che jau sco cusseglier guvernativ tegnia ferm la collegialitad e met adina il bainstar public davant interess individuals. Ed jau hai sincerà da communitgar avertamain, sinceramain e liant per che l'agir dal stadi saja chapaivel.

Jau crai che jau gjaja fitg bain cun questa tenuta. Quai è ina buna lavur guvernamentala: nus essan constructivs, transparents ed ans engaschain per tuts empè dad in pèr paucs.

Jau crai era ch'ina buna politica socialdemocratica sin plaun chantunal fa quint cun il rinforzament da nossas collavuraturas e collavurats da l'administraziun. Il bashing permanent da l'administraziun, il discurre da memia blera burocrazia e regulaziun è absurd. Il coc dal pled «reglament» è «regl». Là nua ch'i dat cleras reglas liantas che rinforzan per exempel ils pli flavels e lian enavos ils pli fermes, viv'ins meglier. Jau sun era persuadi ch'ina buna administraziun cun collavuraturas e collavurats motivads è la basa per in'economia prosperanta. Là, nua che l'administraziun lavura en moda effizienta e cumpetenta, na datti nagina corrupziun ed arbitrariadad. In'administraziun che funcziuna bain è la basa per la bainstanza en ils fatgs dal stadi.

Jau ma sun adina chapì ils davos 6 onns sco teamplayer, saja quai en la regenza, saja quai envers las var 1'300 collavuraturas e collavuratur ubain ils 13 subordinads directs en il departament. Tar noss collavuratur datti er ina savida tecnica incredibla ed in enorm stgazi d'experientschas. Lain trair a niz quel, nua che nus prendain las opiniuns multifaras e pussibilitain la cundecisiun.

L'emprima prioritad resta dentant adina il bainstar public. Saja quai tar in provediment da sanadad decentral, tar la garanzia da segirezza tras ina polizia chantunala manaivla a las burgaisas ed als burgais, tar ina procura publica effizienta e tar in'execuziun giudiziala moderna, per ina taglia ecologica sin vias, per ina politica da migraziun umana, cun ina protecciun da la populaziun bain versada u cun l'agid a persunas che èn dependentas da noss sustegn. «Per ch'i giaja bain cun nus tuts», uschia sco jau e nus sco partida en il Grischun empermettian quai. Nus vulain render attractivs noss chantuns sco spazi d'abitar, da viver e d'economia en in ambient intact.

Quant darar dapi la fin da la Segunda Guerra mundiala essan nus confruntads cun grondas sfidas. Il mund è daventà pli incalculabel. Vair e correct na èn betg pli da vesair. Tant pli impurtanta è lavur seriusa, basada sin fatgs e fidanza en la regenza, en il parlament ed en l'administraziun. Per quai avain nus da las socialdemocratas e dals socialdemocrats quità. Era perquai che nus n'ans laschain betg decuraschar e na respectain betg: Cunter l'egoissem, cunter la spartiziun e cunter il smanatschar.

E sco adina stain nus per la democrazia, la libertad e schanzas egualas. Quai è e resta la basa per ina politica raschunaivla, positiva e progressiva. Tuttina nua, ma segir per tuts enstagl per paucs!

Gugent lavur jau era ils proxims stgars 6 onns vinavant uschia: Insistent, constructiv, transparent. Cun la finamira da far in ulteriur pass pli manavel a nossa finamira per ina buna vita per tuts.

Cordial engraziament per vossa confidenza e voss sustegn!

Herzlichen Dank für euer Vertrauen und für eure Unterstützung.

Grazie per il vostro sostegno!

Peter Peyer, cusseglier guvernativ

Chau dal departament da giustia, segirezza e sanadad dal chantun Grischun